

Dobrodošli u vrtić!



BKS

Förskoleförvaltningen



Göteborgs
Stad

Vrijeme je da se krene u vrtić?



Kretanje u vrtić je nov i uzbudljiv period i za vas i za vaše dijete. Nadamo se da ćete uživati i da će period u vrtiću čitavoj porodici biti zabavan, siguran i edukativan. Ovdje možete pročitati više o tome šta mi u predškolskim ustanovama Grada Göteborga nudimo vašem djetetu i vama.

Ako imate pitanja, uvijek se možete obratiti osoblju vašeg vrtića ili kontaktirati predškolsku službu.

Dobrodošli!



**Na goteborg.se/forskola
možete naći više
informacija i ostaviti
komentare o
predškolskoj ustanovi.**



Učenje i razvoj djeteta u centru pažnje

U vrtiću vaše dijete uči nove stvari i razvija se kroz igru, stvaranje i istraživanje samostalno, u grupi ili zajedno s odraslima. Obrazovanje u vrtiću postavlja temelje za učenje tokom čitavog života. Vrtići uključuju nastavu koja stimuliše djecu i pruža im izazove prateći ciljeve nastavnog plana. Čitanjem nastavnog plana saznaćete više o ciljevima i zadacima koje imamo. Nastavni plan se nalazi na skolverket.se.



Jojo vješa odjeću za vani na svoju kuku.


Tata se pozdravlja s osobljem prije nego što mahne za pozdrav.



Jojo jede doručak s drugarima koji dolaze rano.



Šta ćemo danas raditi? Muziku i ples ili ćemo stvoriti nešto bojama i oblicima? Možda ćemo računati, programirati, učiti o prirodi ili napraviti raketu? Ili ćemo otići na uzbudljiv izlet u okolini? Zatim je vrijeme za ručak.



R





Nakon ručka imamo odmor. Abbas kratko spava. Druga djeca slušaju bajku.



Zatim je vrijeme za igru i istraživanje dvorišta ili rađenje nečeg zanimljivog unutra kao što je stvaranje od recikliranog materijala, čitanje knjiga ili igranje pozorišta.


Jedemo užinu i igramo se dok ne dođe vrijeme da se krene kući.

Zabavno, sigurno i edukativno

U vrtiću brinemo o djetetu radeći zajedno s vama na tome da se vaše dijete kod nas osjeća sigurno. Ovdje dječa dobijaju pomoć da se razviju na osnovu vlastitih potreba. Na razigran način koristimo djetetovu radoznalost i želju za učenjem. Interesi, mišljenja i potrebe djeteta utiču na to kako planiramo nastavu.



Mille obično zastane na putu u školu da bi gledao izgradnju nove sportske dvorane. Kako radi dizalica? Šta je to što lupa? Tamo je tako zanimljivo, kaže Mille drugarima kada se okupe.



Vrtić prolazi pored građevine kako bi je sva djeca vidjela. Na putu nazad, oni slikaju različite zgrade i jednu nestasnu mačku. Skupljaju zanimljive stvari iz prirode.

**Sada pravimo
svoje kuće.
Napravićemo
čitav grad!**



Kada je Abbis krenula u vrtić mama je u početku bila s njom da vidi kako je Abbis zabavno sa novim drugarima. Vidjevši kako osoblje inspiriše, ohrabruje i podržava djecu osjećala se je sigurno. Dobar početak da se shvati kako dani u vrtiću izgledaju i da se upozna osoblje.



Kada vaše dijete krene u vrtić

Prepuštanje djeteta nekom drugom može izazvati mnogo osjećanja. Zato period u vrtiću počinje uvodom za vas i vaše dijete. Tokom uvida možete osobljiju postavljati pitanja i ispričati šta je vašem djetetu potrebno. Zajedno istražujete i otkrivate okruženje u vrtiću i upoznajete osoblje i nove drugare.

Zajedno razvijamo predškolsku ustanovu

Osoblje vrtića radi zajedno s vama na tome da se o djetetu dobro brine i da mu se pruži mogućnost da se razvije prema svojim preduslovima. Nudimo razgovore o razvoju na kojima zajedno razgovaramo o tome kako se dijete osjeća u vrtiću, njegovim potrebljanim, razvoju i učenju. Postoje i mnoge druge prilike i mesta za dijalog koja vam pružaju mogućnost učešća.

Svake godine možete odgovoriti na upitnik sa pitanjima o tome kako doživljavate vrtić. Vaši odgovori nam pomažu da poboljšamo i razvijemo djelatnost.

Jednaka prava sve djece

Sva djeca imaju pravo na sigurno i stimulativno okruženje, bez diskriminacije i nasilnog tretmana. Aktivno radimo na jednakim pravima djece i na izbjegavanju svih oblika zlostavljanja. Razgovarajte rado s osobljem ako želite saznati više o konvenciji o pravima djeteta Ujedinjenih Nacija i o tome kako mi implementiramo plan jednakosti.

Zanimaju Vas vrtići u Vašem kraju?

Da li je vrijeme da izaberete vrtić? Na goteborg.se/forskola možete naći informacije i kontaktne podatke za sve vrtiće Grada Göteborga. Neki će vas pozvati na informativne sastanke, a druge morate pozvati i rezervisati vrijeme za posjetu. Radujemo se vašem javljanju!

Mjesto u vrtiću

- Kada vaše dijete napuni jednu godinu može da kreće u vrtić dok vi radite ili studirate.
- Ako ste na roditeljskom odsustvu sa bratom ili sestrom djeteta, vaše dijete može biti u vrtiću 15 sati sedmično. Ako ste nezaposleni, možete izabrati da li želite da vaše dijete bude 15 ili 25 sati sedmično u vrtiću. Vrtić je taj koji odlučuje kako će se vrijeme koje ste izabrali rasporediti tokom sedmice.
- Od avgusta one godine kada vaše dijete napuni 3 godine, dijete ima pravo na besplatan vrtić 15 sati sedmično. Vi plaćate vrijeme duže od 15 sati.
- Od jesenjeg polugodišta one godine kada Vaše dijete puni šest godina, važi školska obaveza. Tada dijete kreće u predškolski razred u osnovnoj školi.

Nadite vrtić i tražite mjesto na goteborg.se/forskola

Ostala pedagoška djelatnost

Pedagoška briga je alternativa vrtiću. Dadilja prima malu grupu djece u svom vlastitom domu. Dadilja i djeca iz istog područja se ponekad sreću vani ili u grupnim prostorijama. Nastavni plan za predškolske ustanove je vodič za djelatnost.

Radno vrijeme dječjeg vrtića

Kada vaše dijete krene u dječji vrtić ispunit ćešem u aplikaciji IST Home Skola. Shema treba pokazivati vrijeme koje će vaše dijete provoditi u dječjem vrtiću s obzirom na vaše radno vrijeme, uključujući vrijeme putovanja. Djetetova shema određuje radno vrijeme dječjeg vrtića i radno vrijeme osoblja. Ako trebate promjeniti shemu učinite to u aplikaciji ili pismeno obavijestite dječji vrtić, najmanje dvije sedmice unaprijed. Privremene izmjene u rasporedu se mogu učiniti 24 sata prije. Ako vam je potrebno čuvanje djeteta navečer, po noći ili vikendom postoje dječji vrtići koji su non-stop otvoreni. Kada ste vi slobodni i vaše dijete je slobodno.

Ograničeno radno vrijeme

Ljeti vrtići imaju ograničeno radno vrijeme. Ukoliko je vašem djetetu potrebna briga u tom periodu postoji određeni broj vrtića koji su otvoreni ljeti.

Kako bi osoblje vrtića dobilo mogućnost za zajedničke dane za razvoj kompetencija, vrtić ima nekoliko obrazovnih dana godišnje. Ukoliko niste u mogućnosti da budete slobodni za vrijeme obrazovnih dana nudimo vam vrtić, ali u ograničenoj mjeri i u odabranim vrtićima.

Naći ćete aktuelne raspuste i obrazovne dane na goteborg.se/forskola.

Radimo s dokumentacijom

Uz pomoć na primjer teksta, slike, audio i video zapisa posmatramo i dokumentujemo djetetov razvoj i učenje. Dokumentacija nam pruža mogućnost da otkrijemo šta je to što pobuđuje djetetov interes i kako ono uči u različitim kontekstima. To nam pomaže u oblikovanju i razvoju nastave.



U vrtiću se nalaze slike na zidovima. Kada Jojo i drugari istražuju, stvaraju i uče, osoblje ih rado slika kako to rade. Jojo pokazuje fotografije i govori drugarima i roditeljima kako im je bilo zabavno i šta su sve uzbudljivo naučili.

Unikum

Unikum je aplikacija u kojoj možete pratiti svakodnevnicu, razvoj i učenje vašega djeteta u dječjem vrtiću. U Unikumu se nalazi dokumentacija i važne obavijesti iz dječjeg vrtića. Preuzmite aplikaciju na App Store ili Google Play. Također se možete prijaviti putem web stranice start.unikum.net

Obrok – dio učenja

Obroci su u dječjem vrtiću sastavni dio brige o djetetu i pedagoškog rada. Svakodnevno se poslužuju doručak, ručak i užina. Obroci su tako sastavljeni da djeca ako pojedu sve obroke dobiju 70 postotaka svoje dnevne potrebe.

U Gradu Göteborgu radimo s ekološkim obrocima. Ekološki obroci se zasnivaju na ekološki označenim i sezonskim sirovinama i obiluju povrćem i mahunarkama. Da li je vašem djetetu potrebna specijalna prehrana? Tada ispunite formular koji se nalazi na web stranici dječjeg vrtića.



Zabрана orašastih plodova i kikirikija

Zabranjeno je unošenje i posluživanje orašastih plodova, kikirikija, badema i sezama u predškolskim ustanovama jer mogu izazvati teške reakcije kod osoba koje su alergične. Zabранa važi u vanjskim i unutrašnjim prostorijama vrtića, non-stop tokom svih dana u sedmici.

Ako se vaše dijete razboli

Djeca moraju da budu zdrava da bi imala snage da se igraju i učestvuju u aktivnostima u vrtiću. Kako bi se izbjegle bolesti koliko je god to moguće, predškolske ustanove prate smjernice regije Västra Götaland, higijenske sestre u predškolskoj ustanovi (HYFS).

Kada vaše dijete mora ostati kući

- Kada je dijete toliko umorno i tromo da nema snage za uobičajene aktivnosti u vrtiću.
- Kada dijete ima povišenu temperaturu. Dijete ne smije imati povišenu temperaturu 24 sata prije nego što ga ostavite u vrtiću.
- Kada dijete ima zaraznu bolest, na primjer upalu grla koja nije liječena ili je liječena kraće od dva dana.
- Kada dijete ima inficirane rane ili ekcem koji se izlučuje. Dijete može ići u vrtić kada mu se rane isuše.
- Kada dijete ima stomačnu bolest s povraćanjem i/ili prolivom. Dijete može doći u vrtić kada je jelo normalno i nije povraćalo niti imalo proliv 48 sati.



Podrška i savjeti

U vrtiću sva djeca moraju imati mogućnost da se razvijaju i osjećaju dobro. Saradujemo sa specijalnim pedagozima, logopedima i psiholozima. Ako znate da je vašem djetetu potrebna posebna podrška, to morate navesti u vašoj molbi za mjesto u vrtiću.

Vrtići sarađuju i sa zdravstvenom njegom djece, socijalnom službom, bibliotekom, osnovnom školom i drugim djelatnostima koje imaju kontakte s djecom i porodicama.

Grad Göteborg i regija Västra Götaland vam nude inspiraciju i podršku u vašem roditeljstvu, na primjer kroz roditeljske sastanke ili savjetodavnim razgovorima sa spcionom. Pročitajte više o tome što se nalazi u vašem kraju na goteborg.se/foraldrastod.

Dužnost tajnosti i prijave


Svi koji radimo u predškolskim ustanovama imamo dužnost tajnosti i ne smijemo давати lične podatke o vašem djetetu neovlaštenim osobama. Osoblje takođe ima dužnost prijave prema Zakonu o socijalnoj službi. To znači da su svi koji rade sa djecom i omladinom dužni da odmah prijave socijalnoj službi kada u svojoj profesionalnoj ulozi saznaju ili sumnjuju da neko djete strada.

Sva djeca su osigurana

Sva djeca i omladina koja su uvedena u matičnu evidenciju u Göteborgu su non-stop osigurana u slučaju nesreće do i sa 17 godina, ili sve dok pohađaju srednju školu. Osiguranje važi samo za nesretne slučajevе. Pročitajte više o osiguranju za djecu i učenike na goteborg.se/forskola.


Taksa za vrtić


Svakog mjeseca plaćate taksu za mjesto u vrtiću. Visina takse se određuje u zavisnosti od ukupnih prihoda domaćinstva. Možete predati ili promjeniti podatke o vašim primanjima i dobiti informacije o tome kako računamo taksu na goteborg.se/forskola.



Uprava predškolskih ustanova

Uprava predškolskih ustanova je odgovorna za oko 360 općinskih dječjih vrtića, 40 porodičnih dnevnih vrtića i 21 otvorenih predškolskih centara za otprilike 25 000 djece u Göteborgu. Uprava je također odgovorna za nadzor privatnih dječjih vrtića i porodičnih dnevnih vrtića. U okviru uprave sveukupno radi 8 900 zaposlenika.





Imate li pitanja?

Obratite se predškolskoj službi

Vrijeme za pozive ponedeljak – petak 8–16:30 h

Telefon: 031-365 09 60

E-pošta: forskoleservice@forskola.goteborg.se

Kontaktni centar Grada Göteborga

Možete naručiti pomoć na više jezika.

Telefon: 031-365 00 00

Na goteborg.se/forskola možete naći više informacija i ostaviti komentare o predškolskoj ustanovi.

